


Vischnaunca da Breil



Lescha davart l'indemnisaziun dallas prestaziuns dalla vischnaunca da Breil/Brigels en connex cul provediment d'electricitad

Art. 1

Applicaziun

Questa lescha vala per la reit da distribuziun d'electricitad ch'il gestunari dalla reit meina pil provediment dils consuments finals sil territori dalla vischnaunca da Breil/Brigels.

Questa lescha regla l'indemnisaziun dalla prestaziuns dalla vischnaunca da Breil/Brigels en connex cun la reit da distribuziun d'elctricitad.

La lescha regla buca la colligiaziun dils consuments cun la reit da distribuziun d'electricitad ed ils cuosts persuerter.

Art. 2

Indemnisaziun dalla vischnaunca Breil/Brigels per las prestatziuns

Il gestunari dalla reit indemnescha la vischnaunca da Breil/Brigels per far diever dil fons e terren public per la construcziun ed il menaschi dalla reit da distribuziun d'electricitad cun ina taxa annuala.

La taxa annuala vegn calculada sin fundament dil quantum d'energia che vegn repartius ord la reit da distribuziun als consuments, multiplicaus cun ina tariffa da 0.5 – 2.0 raps per kilowat ura. La suprastanza commuala fixescha la tariffa.

Il gestunari dalla reit ha il dretg da reparter quella taxa sils consuments. La taxa dil consument vegn calculada sin fundament dil quantum d'energia ch'el ha retratg, multiplicaus cun ina tariffa da 0.5 – 2.0 raps per kilowat ura. La taxa sto vegnir presentada separadamein el quen dil consument tenor las leschas surordinadas.

Art. 3

Calculaziun dalla taxa

Il gestunari dalla reit annunzia alla vischnaunca da Breil/Brigels annu-almein, mintgamai entochen ils 31 da schaner l'energia ch'ei vegnida repartida sur la reit da distribuziun.

La vischnaunca Breil/Brigels definescha tenor las indicaziuns digl artechel 2 la taxa annuala ch'il gestunari dalla reit ha da pagar e tschenta quen persuerter.

Art. 4

Vigur

Questa lescha ei vegnida approvada dil cussgl da vischnaunca a caschun dalla seduta dils 11 da zercladur 2019 e passa en vigur retroactiv igl 1. da schaner 2019

Art. 5Determinaziuns
finalas

El mument che questa lescha va en vigur, vegnan pli veglias ed autras disposiziuns davart la medema materia giuridica che stattan en contradicziun cun quella lescha cassadas.

Breil, ils 11-06-2019

En num dalla suprastanza communal**En num dil cussegl da vischnaunca**

Il president:

Olav Schlosser

Il president:

Luzi Pfister

Igl actuar:

Carlin Cadonau

Igl actuar:

Carlin Cadonau